



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De Sacram. Matrim.

urn:nbn:de:hbz:466:1-41767

Episcopi illius loci suis subditis, & subditis eiusdem Episcopi illius Diœcesis, & aliorum, si habeant Dimissorias à proprijs Episcopis: neque opus est, vt hos examinet, si sint à proprijs Episcopis examinati, & approbati.

DE SACRAMENTO Matrimonij.

Definitio, Materia, & Forma.

Matrimonium est Contractus quidam, & Sacramentum. Vt Contractus sic describi solet. Est coniunctio maritalis legitima viri & foeminae, inter legitimas personas, indiuiduam vitæ consuetudinem retinens. Si verò quærat, quid sit Matrimonium, vt est Sacramentum inter Christianos; dici debet. Est Sacramentum, consistens in coniunctione maritali, &c. Ad Matrimonium requiritur necessariò mutus consensus de presenti, aliquo externo signo expressus, saltem per Procuratorem: & potest esse inter quascumque perso-

perfo-

o personas non legitimè impeditas, vt dicitur.

2. Ad videndum quæ sit materia, & forma huius Sacramenti, sciendum est, quòd in eo possunt considerari. 1. ipsæ personæ contrahentes, quæ mutuo sua corpora sibi inuicem tradunt: ad finem in hoc Sacramento intentum. 2. interni vniuscuiusque contrahentis consensus. 3. externa signa, tales consensus manifestantia, siue consistant in verbis, siue in alio signo. 4. præsentia Parochi, & verba illa ipsius, Ego vos coniungo, &c. Alij ergo putant materiam esse ipsos contrahentes, formam verò ipsam corporum traditionem, vel mutuos ipsos consensus. Alij materiam esse internos consensus, formam verò externa signa ipsorum. Alij materiam esse primum consensus vnius sponsi, formam secundum consensus alterius sponsi. Et demum Alij putant formam esse verba illa Sacerdotis: Ego vos coniungo, &c. Materiam verò esse aliquid ex prædictis. Et quidem excepta hac vltima sententia, quæ videtur improbabilis, (nā præsentia Parochi post Tridentinū necessaria est,

cum

cum tamen antea fuerint vera Matrimonia, & Sacramenta sine tali præsentia, & talibus verbis) aliæ sententiæ probabiles sunt: nec res est magni momenti, præsertim quantum spectat ad rem nostram. Legite *Coninch disp. 24. dub. 3. Fillinc. tract. 10. c. 1.*

Minister.

Hinc sequitur Ministros huius Sacramenti esse ipsos contrahētes: & cum hoc Sacramentum sit viuorum, id est existentiam in gratia; requirit, ut ipsi se existiment esse in gratia: quare, si habeant conscientiam peccati mortalis; debent vel conteri, vel confiteri, ut in alijs Sacramentis, ne grauiter peccent, saltem quatenus indignè suscipiunt hoc Sacramentum Imo *Trident. sess. 24. c. 1. de reform. Matrim.* hortatur coniuges, ut antequam contrahant, vel saltem triduo ante Matrimonij consummationem sua peccata diligenter confiteantur, & ad sanctissimum Eucharistiæ Sacramentum piè accedant. Potest tamen Sacerdos dici etiam Minister in hoc Sacra-

Sacra-

Sacramento, quoad benedictionem nuptiarum consequentem, quam solus Parochus, vel alius Sacerdos, de eius, vel Ordinarij licentia dare potest ex *Trident. loco iam citato*. Multa de Parocho, & testibus requisitis habet *Bonac. de Matrim. quest. 2. punct. 8. & Alij.*

Effectus.

¶ **E**ffectus Matrimonij, ut est Sacramentum, præter gratiæ sanctificati-
 tis augmentum, est etiam donum gratiæ ad perficiendum amorem conjugalem, & indissolubilem unitatem inter coniuges: ut habet Concilium loco citato: sub quibus verbis continentur dona gratiæ ad reprimendam concupiscentiam, & ad fidelem cohabitationem coniugum, & rectam proles educationem, & significatur indissolubilitas Matrimonij post legitimam ipsius consummationem. De quo *Filliuc tract. 10. ca. 2.* Dicitur Matrimonium ratum tantum, quando celebratum est coram Parocho, & duobus testibus: (ex Tridentino loco citato,) si adhuc nõ intercessit carnalis

lis

lis copula. Dicitur verò consummatum, post talem copulam in vase legitimo completam, saltem per viri seminationem.

5. Dixi initiò Matrimonium debere esse inter legitimas personas, seu non legitimè impeditas: quod maximè adverti debet in hac materia, non solum ut licitè, sed etiam ut validè Matrimonium contrahatur: sunt enim aliqua, quæ faciunt ipsum vel illicitum, vel etiam invalidum, de quibus iam dicam.

Impedimenta.

6. **I**mpedimenta ergo, cum quibus non potest contrahi Matrimonium, sunt duplicis generis: alia sunt impediencia tantum, alia impediencia, & dirimentia. Prima sunt illa, cum quibus non potest licitè contrahi Matrimonium inter fideles: si tamen contrahatur; tenet, & est verum Matrimonium. Secunda sunt illa, cum quibus non potest licitè, nec validè contrahi Matrimonium: ita ut, si contrahatur; committatur peccatum, & Matrimonium re ipsa sit nullum.

Non